

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članovima 37. stav (1) i 45. stav (1) Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 56. sjednici, održanoj dana 19.05.2020. godine, d o n o s i

ZAKLJUČAK

o usvajanju Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2020. godini, u razdjelu 23, budžetska organizacija 01, potrošačka jedinica 0001, ekonomski kod 614400, NAD 405 pozicija "Subvencije-veterinarstvo", „namjenska sredstva“

I.

Usvaja se Program utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2020. godini, u razdjelu 23, budžetska organizacija 01, potrošačka jedinica 0001, ekonomski kod 614400, NAD 405, "Subvencije-veterinarstvo", „namjenska sredstva“ u iznosu od 400.000,00 KM (slovima: četiristotinehiljada konvertibilnih maraka), Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20) i čini sastavni dio ovog zaključka.

II.

Sredstva planirana Budžetom Kantona za namjene predviđene ovim zaključkom, realizovaće se isključivo u skladu sa realizacijom ostvarenih javnih prihoda od prikupljenih veterinarskih naknada za mjere zdravstvene zaštite životinja i veterinarskog javnog zdravstva u Budžetu Kantona.

III.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

PREMIJER

Mirza Ganić

Broj: 02-_____/20
Datum, 19.05.2020. godine
Zenica

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZA POLJOPRIVREDU,
ŠUMARSTVO I VODOPRIVREDU**



PROGRAM
*utroška sredstava od prikupljenih veterinarskih naknada za
mjere zdravstvene zaštite životinja i veterinarskog javnog zdravstva
na području Zeničko-dobojskog kantona u 2020. godini*

Zenica, maj 2020. godine

Opći podaci o Programu:

Program je usvojen:	na 56. sjednici Vlade Zeničko-dobojskog kantona održanoj 19.05.2020. godine.
Period realizacije Programa:	Mjere zdravstvene zaštite životinja i veterinarskog javnog zdravstva iz Programa koje budu provedene u periodu od 01.01. do 31. 12. 2020. godine. U ovom periodu izvršit će se i isplata nerealizovanih zahtjeva koji su nastali zbog administrativnih poteškoća u 2019. godini.
Ukupna vrijednost Programa:	400.000,00 KM
Namjena Programa:	Zdravstvena zaštita životinja i unapređenje veterinarskog javnog zdravstva.
Korisnici Programa:	Registrovani subjekti u poslovanju sa hranom (u daljem tekstu: SPH), vlasnici životinja, pčelari - fizička i pravna lica, općine/gradovi Zeničko-dobojskog kantona, dijagnostičke ustanove, veterinarske stanice, pravna lica ovlaštena za uklanjanje leševa životinja i životinjskog otpada (u daljem tekstu: Korisnici).
Izvor sredstava:	Namjenska sredstva u Budžetu Zeničko-dobojskog kantona za 2020. godinu, Ministarstvo za poljoprivredu, šumarstvo i vodoprivredu, "Subvencije-veterinarstvo" - namjenska sredstva, razdjel 23, budžetska organizacija 01, potrošačka jedinica 0001, ekonomski kod 614 400, NAD 405, i Zakon o izvršavanju Budžeta Zeničko-dobojskog kantona za 2020. godinu ("Službene novine Zeničko- dobojskog kantona", broj: 24/19).
Nosilac Programa:	Ministarstvo za poljoprivredu, šumarstvo i vodoprivredu Zeničko-dobojskog kantona

I ZAKONSKI OSNOV ZA DONOŠENJE PROGRAMA

Zakonski osnov za donošenje Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2020. godini sadržan je u odredbama člana 124. Zakona o veterinarstvu ("Službene novine Federacije BiH", broj: 46/00), Zakona o hrani („Službeni glasnik BiH“, broj: 50/04), člana 24. Pravilnika o visini naknade i načinu raspodjele sredstava za obavljene veterinarsko zdravstvene preglede i kontrolu na teritoriji Federacije Bosne i Hercegovine („Službene novine Federacije BiH“, broj: 51/11, 55/12 i 5/16), a u vezi sa članom 37. stav (1) i članom 45. stav (1) Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19), kojim je utvrđeno da će se navedena sredstava koristiti u skladu sa Programom utroška kojeg donosi Vlada Kantona.

Ministarstvo za poljoprivredu, šumarstvo i vodoprivredu (u daljem tekstu: Ministarstvo) je izradilo prijedlog Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2020. godini.

II IZVORI I VISINA SREDSTAVA IZ KOJIH SE FINANSIRA PROGRAM

Budžetom Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20), „Subvencije-veterinarstvo“, u razdjelu 23, budžetska organizacija 01, potrošačka jedinica 0001, ekonomski kod 614400, subanalitika NAD 405, pozicija „namjenska sredstva“, predviđena su sredstva u iznosu od 400.000,00 KM (slovima: četiristotinehiljada konvertibilnih maraka). Sredstva su prikupljena od naknada za veterinarsko-zdravstvene preglede i kontrole izvršene od strane kantonalne veterinarske inspekcije. U skladu sa odredbama Pravilnika o visini naknade i načinu raspodjele sredstava za obavljene veterinarsko-zdravstvene preglede i kontrolu na teritoriji Federacije Bosne i Hercegovine („Službene novine Federacije BiH“, broj: 51/11, 55/12 i 5/16) i Zaključkom o korištenju prikupljenih sredstava od veterinarsko-zdravstvenih naknada Vlade Zeničko-dobojskog kantona broj: 02-24-15565/16 od 08.09.2016. godine, sredstva će biti utrošena za provođenje mjera zdravstvene zaštite životinja i veterinarskog javnog zdravstva na području Zeničko-dobojskog kantona.

III AKTIVNOSTI IZ PROGRAMA - SVRHA I CILJEVI

U skladu sa epizootiološkom situacijom na području Zeničko-dobojskog kantona (u daljem tekstu: Kanton), kontinuitetom u provođenju preventivnih mjera zdravstvene zaštite životinja, usklađenosti subjekata u poslovanju sa hranom (u daljem tekstu SPH) sa legislativom EU, stanjem u pogledu higijenske i zdravstvene ispravnosti namirnica životinjskog porijekla (u daljem tekstu NŽP) čija proizvodnja se vrši na području Kantona, te u skladu sa Programom mjera zdravstvene zaštite životinja i njihovog provođenja u 2020. godini („Službeni glasnik BiH“, broj: 22/20) Ureda za veterinarstvo Bosne i Hercegovine, za provođenje mjera zdravstvene zaštite životinja i unapređenje veterinarskog javnog zdravstva na području Kantona u 2020. godini, ovim Programom planira se sufinansiranje i finansiranje slijedećih aktivnosti:

1. Veterinarsko-zdravstveni pregled peradi prije klanja na farmama za tov peradi,

2. Implementacija Programa samokontrole kod SPH,
3. Implementacija HACCP sistema kod SPH,
4. Eutanazija i neškodljivo uklanjanje oboljelih životinja i dezinfekcija nakon uklanjanja,
5. Klinički pregled pčelinjaka na Američku gnjiloću i izdavanje svjedodžbe o zdravstvenom stanju pčela,
6. Laboratorijsko ispitivanje uzoraka pčelinjeg legla na Američku gnjiloću,
7. Dijagnostičko ispitivanje živih životinja i službenih uzoraka po nalogu veterinarskog inspektora,
8. Preventivna vakcinacija goveda protiv Crnog prišta i svinja protiv Kuge svinja,
9. Dijagnostičko ispitivanje uzoraka materijala u cilju utvrđivanja uzroka pobačaja domaćih životinja,
10. Realizacija nerealizovanih zahtjeva iz prethodnog perioda i pomoć u posebnim okolnostima;

1. Veterinarsko-zdravstveni pregled peradi prije klanja na farmama za tov peradi - provodi se u svrhu utvrđivanja veterinarsko-zdravstvenog statusa jata, otkrivanja i utvrđivanja oboljenja peradi, u prvom redu otkrivanje bakterije Salmonella spp. Pregled vrši ovlaštena veterinarska stanica na dodijeljenom području djelovanja i u skladu sa odredbama Programa mjera zdravstvene zaštite životinja i njihovog provođenja u 2020. godini („Službeni glasnik BiH“, broj: 22/20).

Cilj: svesti na najmanju moguću mjeru rizik od bolesti koje mogu ugroziti zdravlje ljudi, zaštititi peradarsku proizvodnju od negativnih uticaja i mogućih ekonomskih šteta, kroz sufinansiranje troškova obaveznih veterinarsko-zdravstvenih pregleda.

2. Implementacija Programa samokontrole kod SPH – sprovodi se u svrhu uspostavljanja i provođenja planova samokontrole kod subjekata u poslovanju sa hranom životinjskog porijekla radi dostizanja visokog stepena higijenske i zdravstvene ispravnosti NŽP i sigurnosti potrošača. Planovi samokontrola omogućavaju:

- procjenu opasnosti i rizike, identifikaciju i njihovo otklanjanje prije nastanka zdravstveno neispravnog proizvoda,
- povećavaju svijest o zdravstvenoj sigurnosti proizvoda i sprečavanju bolesti uzrokovane zdravstveno neispravnim proizvodima,
- svi uposleni uključeni su u sistem proizvodnje zdravstveno ispravnog proizvoda,
- dokumentovanje proizvodnog procesa i provedenih kontrola,
- povećava povjerenje u zdravstvenu ispravnost i kvalitet proizvoda,
- definiše individualnu odgovornost,
- osigurava se zdravstvena ispravnost proizvoda u svim fazama, počevši od proizvodnje, transporta, distribucije, pripreme i konzumiranja proizvoda,
- poslovanje prema važećoj BiH i EU legislativi,
- uspostavljanje propisanih kriterija sigurnosti hrane,
- poslovanje u EU i trećim zemljama;

Cilj: svi registrirani SPH na području kantona trebaju imati uspostavljen i implementiran programe samokontrole u skladu sa sa odredbama Zakona o hrani („Službeni glasnik BiH“, broj: 50/04), Pravilnikom o veterinarsko–zdravstvenim uslovima za objekte koji proizvode hranu životinjskog porijekla („Službene novine FBiH“, broj: 22/13), Pravilnikom o higijeni hrane („Službeni glasnik BiH“ broj: 4/13), Pravilnikom o mikrobiološkim kriterijima za hranu („Službeni glasnik BiH“, broj: 11/13 i 79/16), Pravilnikom o organizaciji službenih kontrola proizvoda životinjskog porijekla namijenjenih ishrani ljudi („Službeni glasnik BiH“ broj: 103/12), Pravilnikom o opštem deklarisanju ili označavanju upakovane hrane („Službeni glasnik BiH“ broj: 87/08), Pravilnikom o maksimalno dozvoljenim količinama za određene kontaminante u hrani („Službeni glasnik BiH“ broj: 68/14), u odnosu na proces proizvodnje.

3. Implementacija HACCP sistema kod SPH – svrha je uspostavljanje i implementiranje HACCP sistema kao obaveznog elementa za osiguranje visokog stepena sigurnosti u procesu proizvodnje zdravstveno ispravnih i sigurnih proizvoda u objektima registriranim u obliku obrta koji proizvode namirnice životinjskog porijekla i posjeduju veterinarski kontrolni broj. HACCP sistemom obuhvata:

- Analizu opasnosti.
- Određivanje kritičnih kontrolnih tačaka.
- Uspostavljanje zaštitnih mjera sa utvrđenim granicama za svaku kontrolnu tačku.
- Uspostavljanje postupaka praćenja kritičnih kontrolnih tačaka.
- Uspostavljanje korektivnih radnji koje se moraju poduzeti kada se utvrdi odstupanje.
- Uspostavljanje postupaka kojima se potvrđuje da sistem ispravno funkcioniра.
- Uspostavljanje učinkovitog vođenja evidencije prema dokumentima HACCP sistema.

Cilj: svi registrirani SPH na području Kantona moraju imati uspostavljen i implementiran HACCP sistem u skladu sa odredbama Zakona o hrani ("Službeni glasnik BiH", broj: 50/04), Pravilnikom o veterinarsko–zdravstvenim uslovima za objekte koji proizvode hranu životinjskog porijekla ("Službene novine FBiH", broj: 22/13), Pravilnikom o higijeni hrane („Službeni glasnik BiH“ broj: 4/13), Pravilnikom o mikrobiološkim kriterijima za hranu („Službeni glasnik BiH“, broj: 11/13 i 79/16), Pravilnikom o organizaciji službenih kontrola proizvoda životinjskog porijekla namijenjenih ishrani ljudi („Službeni glasnik BiH“ broj: 103/12), Pravilnikom o opštem deklarisanju ili označavanju upakovane hrane („Službeni glasnik BiH“ broj: 87/08) i Pravilnikom o maksimalno dozvoljenim količinama za određene kontaminante u hrani („Službeni glasnik BiH“ broj: 68/14), te na taj način osigurati proizvodnju namirnica životinjskog porijekla sa najvišim standardima zdravstvene ispravnosti.

4. Eutanazija i neškodljivo uklanjanje oboljelih životinja i dezinfekcija nakon uklanjanja

- svrha je sprječavanje, kontrola i suzbijanje zaraznih bolesti životinja, prvenstveno zoonoza i zaštita zdravlja ljudi, životinja i prirodnih resursa kao mogućih kontaminanata. Navedena mjera provodi se u skladu sa članom 46. Zakona o veterinarstvu i Pravilnikom o postupku isplate nadoknade štete za neškodljivo uklonjene seropozitivne životinje („Službene novine Federacije“, broj: 98/12).

Cilj: eutanazirati i neškodljivo ukloniti sve bolesne životinje za koje nadležni inspektori narede tu mjeru, kroz finansiranje omogućiti što brže njeno provođenje kako bi se smanjilo vrijeme dispozicije.

5. Klinički pregled pčelinjaka na Američku gnjiloću i izdavanje svjedodžbe o zdravstvenom stanju pčela – svrha je otkrivanje, suzbijanje i iskorjenjivanje ove bolesti u pčelinjacima, kao uzroka propadanja pčelinjih zajednica. Klinički pregled i izdavanje svjedodžbe o zdravstvenom stanju pčela za seleće pčelare sprovodi ovlaštena veterinarska stanica u skladu sa odredbama Programa mjera zdravstvene zaštite životinja i njihovog provođenja u 2020. godini („Službeni glasnik BiH“, broj: 22/20) i u skladu sa Odlukom o veterinarskoj svjedodžbi o zdravstvenom stanju životinja i pošiljaka životinjskog porijekla u unutrašnjem i međunarodnom prometu („Službene novine Federacije BiH“, broj: 33/03, 35/05, 6/15 i 45/15).

Cilj: održati postojeći broj pčelinjaka sa tendencijom povećanja broja i organizovanja pčelarstva u vidu moderne, savremene grane poljoprivrede.

6. Laboratorijsko ispitivanje uzoraka pčelinjeg legla na Američku gnjiloću – svrha je otkrivanje i suzbijanje zarazne bolesti Američka kuga pčelinjeg legla jer proizvodi velike ekonomske štete i ima negativan uticaj na pčelarstvo. Pravni osnov za provođenje ove mjere

je član 124. Zakona o veterinarstvu („Službene novine F BiH“, broj: 46/00) i Program mjera zdravstvene zaštite životinja i njihovog provođenja u 2020 godini („Službeni glasnik BiH“, broj: 22/20) Ureda za veterinarstvo Bosne i Hercegovine.

7. Dijagnostičko ispitivanje živih životinja i službenih uzoraka po nalogu veterinarskog inspektora – provodi se kada kantonalni veterinarski inspektor procijeni i utvrdi potrebnim dodatna službena uzorkovanja za ispitivanje higijenske i zdravstvene ispravnosti uzoraka hrane, uzoraka za dijagnostičke pretrage radi utvrđivanja prisustva zarazne bolesti životinja, prvenstveno kod utvrđenog oboljenja ljudi. Navedena mjera ima pravni osnov u Zakonu o veterinarstvu („Službene novine F BiH“, broj: 46/00), Zakonu o hrani („Službeni glasnik BiH“,

broj: 50/04), Pravilniku o mjerama kontrole Bruceloze kod malih preživača („Službeni glasnik BiH“ broj: 43/09) i Pravilniku o higijeni hrane („Službeni glasnik BiH“ broj: 4/13).

Cilj: utvrditi bolest kod zaraženih životinja i higijensku i zdravstvenu neispravnost proizvoda životinjskog porijekla koji se koriste u javnoj potrošnji, u slučajevima koji se pojave izvan okvira provođenja redovnih mjera ispitivanja i na taj način smanjiti broj oboljelih ljudi od zoonoza na nivo ispod prosječnog.

8. Preventivna vakcinacija goveda protiv Crnog prišta i svinja protiv Kuge svinja – provodi se u svrhu sprečavanja suzbijanja i iskorjenjivanja ovih bolesti kod životinja jer predstavljaju opasnost za zdravlje ljudi i opasnost od nastanka velikih materijalnih šteta.

Cilj: vakcinisati sva goveda u distriktima Antraksa i tako smanjiti opasnost od širenja bolesti na ljude i imunizirati cijelu populaciju domaćih svinja kako bi se umanjila opasnost od nastanka ekonomskih šteta.

9. Dijagnostičko ispitivanje uzoraka materijala u cilju utvrđivanje uzroka pobačaja domaćih životinja – svrha je utvrđivanje uzroka pobačaja domaćih životinja, otkrivanje bolesnih i zaraženih životinja i njihovo blagovremeno isključivanje iz reproduktivnog ciklusa.

Cilj: ispitivanje svih pobačaja ili što većeg broja slučajeva pobačaja te poduzimanje odgovarajućih mjera za suzbijanje bolesti koje se prenose spolnim putem, kako bi se smanjio sterilitet i povećala reproduktivna sposobnost proizvodnih životinja.

10. Realizacija nerealizovanih zahtjeva iz prethodnog perioda i pomoć u posebnim okolnostima – svrha utroška je izmirivanje svih nerealizovanih potraživanja iz prethodnog perioda kao i dodjeljivanje pomoći za revitalizaciju animalne proizvodnje koja je pretrpila znatne štete i za čije pokretanje sam vlasnik nije u mogućnosti obezbjediti sva sredstva.

Cilj: izmiriti sva zaostala potraživanja i pružiti odgovarajuću pomoć subjektima koji su pretrpili znatnu materijalnu štetu.

IV KRITERIJI ZA ODOBRAVANJE SREDSTAVA

Sredstva po ovom Programu moći će ostvariti Korisnici koji ispune opće i posebne kriterije, kako slijedi:

A. Opći kriteriji

- Korisnici moraju imati prebivalište, odnosno sjedište na području Zeničko-dobojskog kantona,
- Korisnici – SPH moraju posjedovati veterinarski kontrolni broj,
- Korisnici ne smiju imati dugovanja prema Kantonu po osnovu javnih prihoda i svih ostalih obaveza prema Kantonu, u skladu sa Zaključkom Vlade Zeničko-dobojskog

kantona, broj: 02-14-8705/17 od 01.06.2017. godine,

- Korisnici ne mogu ostvariti pravo na finansiranje istih mjera u koliko su to pravo ostvarili kod drugog kantonalnog ili federalnog organa,
- Korisnici – vlasnici životinja i životinje koje budu obuhvaćene ovim Programom moraju biti upisani u jedinstveni registar domaćih životinja u skladu sa Pravilnikom o označavanju životinja i šemi kontrole kretanja životinja u BiH („Službeni glasnik BiH“ broj: 28/03) i Pravilnikom o obaveznom označavanju i upisu jedinstveni registar ovaca, koza i svinja, te vođenje evidencija („Službene novine FBiH“, broj: 87/07).
- Veterinarske stanice mogu ostvariti pravo na sredstva za organizaciju i provođenje mjera samo na dodijeljenom području djelovanja;

B. Posebni kriteriji po planiranim aktivnostima iz Programa

1. Veterinarsko-zdravstveni pregled peradi prije klanja na farmama za tov peradi – sufinansiraće se veterinarsko-zdravstveni pregled peradi prije klanja na svim farmama za tov peradi na području Zeničko-dobojskog kantona i izdavanje svjedodžbe o zdravstvenom stanju jata koje se upućuje na klanje. Ukupan iznos sredstava je 100.000,00 KM.

2. Implementacija Programa samokontrole kod SPH – sufinansiraće se implementacija programa samokontrola kod SPH koji posjeduju veterinarski kontrolni broj u iznosu do 1.500,00 KM. Planirani iznos sredstava je 30.000,00 KM.

3. Implementacija HACCP sistema kod SPH – sufinansirati će se implementacija HACCP sistema svim SPH koji nemaju implementiran ovaj sistem i koji posjeduju veterinarski kontrolni broj, u iznosu do 3.000,00 KM. Planirani iznos sredstava je 90.000,00 KM.

4. Eutanazija i neškodljivo uklanjanje oboljelih životinja i dezinfekcija nakon uklanjanja – vlasnicima životinja finansiraće se nastali troškovi eutanazije bolesnih životinja u punom iznosu, kada veterinarski inspektor naredi eutanaziju i neškodljivo uklanjanje koje će obaviti nadležne veterinarske stanice sa područja Zeničko-dobojskog kantona. Planirani iznos sredstava je 10.000,00 KM.

5. Klinički pregled pčelinjaka na Američku gnjiloću i izdavanje svjedodžbe o zdravstvenom stanju pčela - planira se klinički pregled svih pčelinjaka čiji vlasnici su prijavljeni u Zeničko-dobojskom kantonu i čiji pčelinjaci se nalaze na području Kantona, na prisustvo zarazne bolesti Američka gnjiloća pčelinjeg legla, u cilju sprečavanja velikih materijalnih šteta u pčelinjacima. Klinički pregled će provoditi nadležne veterinarske stanice. Uz klinički pregled pčelinjaka finansiraće se izdavanje svjedodžbe o zdravstvenom stanju pčela za sve seleće pčelare, u skladu sa odredbama Programa mjera zdravstvene zaštite životinja i njihovog provođenja u 2020. godini („Službeni glasnik BiH“, broj: 22/20). Planirani iznos sredstava je 60.000,00 KM.

6. Laboratorijsko ispitivanje uzoraka pčelinjeg legla na Američku gnjiloću – finansiraće se u punom iznosu dijagnostičko ispitivanje uzoraka pčelinjeg legla na prisustvo uzročnika Američke gnjiloće pčelinjeg legla, kada nadležna veterinarska stanica kliničkim pregledom utvrdi sumnju na prisustvo bolesti i uzorke dostavi ovlaštenoj akreditovanoj laboratoriji. Planirani iznos sredstava je 10.000,00 KM.

7. Dijagnostičko ispitivanje živih životinja i službenih uzoraka po nalogu veterinarskog inspektora – finansiraće se dijagnostička ispitivanja uzoraka uzetih od strane nadležnog veterinarskog inspektora Kantonalne uprave za inspeksijske poslove Zeničko-

dobojskog kantona, kod sumnje na prisustvo zarazne bolesti životinja i kod ispitivanja zdravstvene ispravnosti hrane i hrane za životinje, tokom provođenja službenih kontrola. Planirani iznos sredstava je 30.000,00 KM.

8. Preventivna vakcinacija goveda protiv Crnog prišta i svinja protiv Kuge svinja – finansiraće se preventivna vakcinacije životinja radi sprečavanja i iskorjenjivanja zaraznih bolesti životinja od značaja za Federaciju i Zeničko-dobojski kanton jer predstavljaju opasnost za zdravlje ljudi i jer mogu nanijeti velike materijalne štete i to:

- a. Vakcinacija goveda protiv Crnog prišta (Antraks) – finansiraće se preventivna vakcinacija goveda u distriktnim područjima Crnog prišta u Kantonu, u skladu sa Programom mjera zdravstvene zaštite životinja i njihovog provođenja u 2020. godini („Službeni glasnik BiH“, broj: 22/20). Planirani iznos sredstava je 20.000,00 KM.
- b. Vakcinacija domaćih svinja protiv Kuge svinja – finansiraće se preventivna vakcinacija domaćih svinja protiv Kuge svinja, u skladu sa Programom mjera zdravstvene zaštite životinja i njihovog provođenja u 2020. godini. Planirani iznos sredstava je 20.000 KM.

9. Dijagnostičko ispitivanje uzoraka materijala u cilju utvrđivanje uzroka pobačaja domaćih životinja – finansiraće se laboratorijske pretrage uzoraka krvi, supstrata i plodova životinja kod svakog pobačaja goveda, ovaca, koza, svinja i kobilica, koje nadležne veterinarske stanice dostave u ovlaštenu akreditovanu laboratoriju, u cilju utvrđivanja uzroka pobačaja. Osnov za provođenje ove mjere je Program mjera zdravstvene zaštite životinja i njihovog provođenja u 2020. godini („Službeni glasnik BiH“, broj: 22/20). Planirani iznos sredstava je 10.000,00 KM.

10. Realizacija nerealizovanih zahtjeva iz prethodnog perioda i pomoć u posebnim okolnostima – isplatiće se zahtjevi iz prethodnog perioda koji zbog određenih administrativnih poteškoća nisu isplaćeni ili kada je korisnik ostvario pravo u ponovljenom postupku provedenom po pravosnažnoj sudskoj presudi, odnosno po pravosnažnom rješenju donesenom u drugostepenom postupku. Dodjeljivaće se sredstva pomoći zbog šteta nastalih kao posljedica prirodnih nesreća ili šteta nastalih zbog naglih uginuća životinja, a koje nisu nastale nebrigom vlasnika. Nakon razmatranja zahtjeva sredstva će odobravati Vlada posebnim zaključkom ili odlukom, na prijedlog Ministarstva. Planirani iznos sredstava je 20.000,00 KM.

V VISINA I RASPODJELA SREDSTAVA PO AKTIVNOSTIMA

Budžetom Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20), „Subvencije - veterinarstvo“, u razdjelu 23, budžetska organizacija 01, potrošačka jedinica 0001, ekonomski kod 614400, subanalitika NAD 405, pozicija „namjenska sredstva“, predviđena su sredstva u iznosu od 400.000,00 KM (slovima: četiristotinehiljada konvertibilnih maraka).

Tabelarni prikaz:

R/B	Aktivnost	Iznos po KM/jedinici	Iznos u KM
1.	Veterinarsko-zdravstveni pregled peradi prije klanja na farmama za tov peradi	po fiskalnom računu	100.000,00
2.	Implementacija Programa samokontrole kod SPH	do 1.500,00 KM/subjektu	30.000,00
3.	Implementacija HACCP sistema kod SPH	do 3.000,00 KM/subjektu	90.000,00

4.	Eutanazija i neškodljivo uklanjanje oboljelih životinja i dezinfekcija nakon uklanjanja	po fiskalnom računu	10.000,00
5.	Klinički pregled pčelinjaka na Američku gnjiloću i izdavanje svjedodžbe o zdravstvenom stanju pčela	po fiskalnom računu	60.000,00
6.	Laboratorijsko ispitivanje uzoraka pčelinjeg legla na Američku gnjiloću	po fiskalnom računu	10.000,00
7.	Dijagnostičko ispitivanje živih životinja i službenih uzoraka po nalogu veterinarskog inspektora	po fiskalnom računu	30.000,00
8.	Preventivna vakcinacija goveda protiv Crnog prišta i svinja protiv Kuge svinja	do 20 KM/govedo sa PDV do 10 KM/svinja sa PDV	40.000,00
9.	Dijagnostičko ispitivanje uzoraka materijala u cilju utvrđivanje uzroka pobačaja domaćih životinja	po fiskalnom računu	10.000,00
10.	Realizacija nerealizovanih zahtjeva iz prethodnog perioda i pomoć u posebnim okolnostima	-	20.000,00
UKUPNO:			400.000,00

Zbog mogućih nepredvidivih situacija u pogledu stanja i kretanja zasnih bolesti životinja, moguća su preusmjerenja već planiranih sredstava u druge neophodne aktivnosti.

Na prijedlog Ministarstva za poljoprivredu, šumarstvo i vodoprivredu Zeničko-dobojskog kantona, Vlada Zeničko-dobojskog kantona će za svaku planiranu aktivnost posebnim zaključcima ili odlukama odobravati sredstva iz Budžeta Kantona.

PREMIJER

Mirza Ganić

Broj: 02-_____ /20
Datum, 19.05.2020. godine
Zenica

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x a/a.